



II PREMIO XOVEN EMPRESARIO DE LUGO

Primeira: Requisitos dos candidatos.

- 1.- Poderá ser candidato calquera empresario que non supere a idade de 40 anos e que a súa empresa teña a sede social na provincia de Lugo.
- 2.- Ser o propietario maioritario, principal impulsor, e responsable dos recentes éxitos da empresa. No caso de non ser socio maioritario e ter unha participación superior ao 20% poderá presentar a súa candidatura, previa a conformidade dos seus socios; para iso deberá presentar autorización por escrito daquel outro socio/s no que conste que supera o 50% da propiedade, autorizándolle á levar a cabo a súa presentación da candidatura e participación no Premio. A empresa non poderá estar participada maioritariamente por entidades ou empresas de titularidade pública ou privada.
- 3.- Nos últimos exercicios a empresa deberá poder acreditar que experimentou crecementos progresivos no número de empregados e na facturación.
- 4.- **Non** poderán presentar as súas candidaturas os membros actuais da **Xunta Directiva** de AJE Lugo.

Segunda: Ámbito territorial.

As empresas candidatas deberán de ter o seu domicilio na provincia de Lugo.

Terceira: Procedemento do concurso.

Abrirase un prazo de presentación de candidaturas, que non poderá ser inferior a un mes, e nos que as empresas interesadas formalizarán a súa candidatura. Para isto habilitarase no espazo web www.premiosajelugo.com un modelo orientativo de memoria a dispor dos candidatos.

A cronoloxía do premio sería a seguinte:

- **Do 16 de novembro ao 14 de decembro (ambos inclusive):** prazo de presentación de candidaturas.
- **15 de decembro:** reunión do Xurado.
- **17 de decembro:** acto de entrega do Premio.



Cuarta: Criterios de valoración.

Para levar a cabo a valoración das candidaturas teranse en conta especialmente os criterios seguintes:

- a) Creación de emprego estable e de calidade.
- b) Carácter innovador do proxecto.
- c) Grao de proxección provincial, autonómica ou nacional da empresa.
- d) Investimentos e emprego de boas prácticas na xestión empresarial: especial referencia as áreas de Prevención de Riscos Laborais, Responsabilidade Social Corporativa, Conciliación Laboral e Familiar, respecto polo Medio Ambiente, Políticas de Igualdade de Xénero etc.
- e) Evolución experimentada nos últimos anos (facturación, beneficios, etc.)

Quinta: Obxectivos.

Entre os obxectivos básicos para promover o II PREMIO XOVEN EMPRESARIO DE LUGO, destacan os que a continuación sinalamos:

- Fomentar a cultura empresarial.
- Apoiar e estimular aos novos emprendedores.
- Promover o autoemprego e a creación de empresas entre a sociedade lucense.
- Ser foro de debate de ideas empresariais.
- Colaborar no desenvolvemento do noso contorno.
- Propiciar o intercambio de experiencias empresariais entre os mozos empresarios.
- Contribuír á mellora do prestixio social dos Xóvenes Empresarios lucenses en particular, e galegos en xeral, como creadores de riqueza e de emprego.
- Incentivar os proxectos que xeren: innovación, permanencia no mercado, creatividade, implantación de procesos de calidade, incremento no volume de mercado, expansión, creación de postos de traballo e conciliación de vida laboral e familiar.

Sexta: Xurado.

O Xurado do II PREMIO XOVEN EMPRESARIO DE LUGO estará formado por: un representante da Xunta de Galicia, un representante do Concello de Lugo, un representante da Deputación de Lugo, un representante de Universidade de Santiago de Compostela, un representante da Confederación de Empresarios de Lugo, un representante de El Progreso, un representante da entidade patrocinadora La Caixa e o Presidente da Asociación de Jóvenes Empresarios de Lugo en calidade de Secretario da mesa.



Sétima : Dotación dos premios.

A dotación dos premios estará repartida da seguinte forma: un **Premio** dotado con 2.000 € e **2 Accésits** de 500 € cada un, estando suxeitos todos eles á retención fiscal correspondente.

Oitava: Documentación.

Documentación obrigatoria:

- a) Modelo normalizado de presentación de candidaturas (facilitada por AJE Lugo).
- b) Declaración xurada (facilitada por AJE Lugo).

***(A presentación desta declaración non exclúe ás posteriores comprobacións de documentos acreditativos que puidera levar a cabo o Xurado para a verificación dos datos).**

Documentación optativa:

- a) Fotocopias de calquera tipo de certificación da empresa (calidade, protección de datos, prevención de riscos laborais, premios, distincións, etc.)
- b) Folletos ou dosieres publicitarios, anuncios, mencións e aparicións en prensa etc. Tamén se poderá incluír como documento anexo unha presentación da empresa en soporte dixital (cd/dvd).

Novena: Confidencialidade dos datos.

A documentación facilitada polos participantes estará a disposición, exclusivamente, do Xurado para o estudo das propostas e será confidencial nos datos sinalados como tales; podendo a Asociación facer uso dos nomes dos participantes, imaxe corporativa e material gráfico en relación á promoción do Premio.

Décima: Propostas e Prazo de Presentación de Candidaturas.

Deberá de presentarse persoalmente o Modelo normalizado de presentación de candidaturas, que se pode recoller na sede da Asociación de Jóvenes Empresarios de Lugo-AJE Lugo, **Ronda da Muralla, 58, 6ª planta, local 11** (Edificio Sindical) 27003 Lugo. Tamén pode ser válida a presentación mediante remisión por correo certificado á mesma dirección ou por correo electrónico a info@ajelugo.com .

O prazo de presentación de candidaturas vai dende o **16 de novembro ao 14 de decembro** (ambos inclusive). As candidaturas deben dirixirse á sede de AJE indicada anteriormente.



Undécima: Entrega de Premios.

Os gañadores finais do Premio daranse a coñecer nun acto público do que se dará cumprida difusión nos medios de comunicación. Será **requisito imprescindible** a asistencia dun representante de cada unha das empresas candidatas ao acto de entrega do Premio.